



Planuar / Doretuar Primitjen/Produato Received/Delivered	24.07	2023	3	viti god year
Organ./Njesia Organ./Jedinica Org./Unit	Nr Prot Br Prot Prot No	Shitje Prilog Appendix	Sasia Kolicina Quantity	
SKM8HCK	5337	/2023	114	



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.833/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Malsore Gashi Bajraktari-dhe Ardita Haxhnikaj Demi-anëtarë, me Vjollca Sinani - Zyrtare e Lartë për Bashkëpunim Profesional në cilësinë e procesmbajtëses, në lidhje me ankesën A.nr.833/2023 të datës 09.06.2023 të parashtruar nga ankuesi me adresë banimi Prishtinë, përfaqësuar nga

Shefqeti kundër organit të punësimit Ministria e Punëve të Brendshme-Instituti i Kosovës për Administratë Publike (*tutje IKAP*), në çështjen juridike "Transfer", duke vepruar në pajtim me nenin 16 paragrafin 3, nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 24.07.2023, mori këtë:

V E N D I M

Hedhet poshtë si e palejuar ankesa me numër A.nr.833/2023 e datës 09.06.2023 e parashtruar nga ankuesi

A r s y e t i m

Ankuesi sipas Akt emërimit të datës 30.03.2012 në pozitën e punës Udhëheqës i Ekipit të Trajnimeve në Njësinë e Trajnimeve në Institutin e Kosovës për Administratë Publike (*tutje IKAP*)-Ministria e Punëve të Brendshme, më datë 09.06.2023 parashtron ankesë kundër Vendimit me Nr.1041/2023 të datës 08.05.2023 nga Ministria e Punëve të Brendshme përmes së cilit vendim caktohet zëvendësues i drejtorit të Institutit të Kosovës për Administratë Publike (*tutje IKAP*) nëpunësja civile znj.L.I, ku sipas pretendimit ankimor të ankuesit sa i përket kësaj çështje është konstatuar gabimisht gjendja faktike dhe janë shkelë dispozitat e të drejtës materiale që rregullojnë këtë çështje.

I pakënaqur Vendimin me Nr.1041/2023 të datës 08.05.2023 nga Ministria e Punëve të Brendshme për transferimin e zëvendësues znj.L.I në IKAP, me datën 09.06.2023 ka parashtruar ankesën me

numër protokollit 4653/2023 në Këshillin e Pavarur Mbikëqyrës për Shërbimin Civil të Kosovës, me pretendimet ankimore për shkak të shkeljeve të dispozitave të Ligjit për Zyrtar Publik nr.06/L-114, Ligjit për Procedurën e Përgjithshme Administrative nr.05/L-031 si dhe Ligjit nr.06/L-048 për Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 13.06.2023 ka proceduar kërkesën për përgjigje në ankesë të ankuesit te organi i punësimit, ndërsa ky i fundit më datë 04.06.2023 ka dërguar përgjigje në ankesë së bashku me shkresat e lëndës.

Kolegji për Shqyrtimin dhe Vendosjen e Ankesave me rastin e shqyrtimit të kësaj ankese ka administruar këto prova: Ankesën me numër të protokollit 4653/2023 të datës 09.06.2023 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Autorizimi për Avokatin e datës 31.05.2022; Kërkesë për transferim të përhershëm në interes të institucionit e datës 05.05.2023; Email i datës 05.05.2023; Vendimi me Nr.18/2023 i datës 05.05.2023 nga Ministria e Financave, Punës dhe Transfereve për L.I; Email i datës 05.05.2023; Vendimi me Nr.206/2023 i datës 05.05.2023 nga IKAP; Email i datës 05.05.2023; Vendimi me Nr.207/2023 i datës 05.05.2023 nga IKAP; Email i datës 08.05.2023; Vendimi me Nr.1041/2023 i datës 08.05.2023 nga Ministria e Punëve të Brendshme e cakton zëvendësues nëpunësen civile znj.L.I; Vendimi me Nr.0361/2021 i datës 17.06.2021 nga Ministria e Punëve të Brendshme; Përgjigje në ankesë e datës 04.07.2023; Akt emërimi i ankuesit i datës 30.03.2012; Përshkrimi i detyrave të punës për ankuesin; Email i datës 05.05.2023 nga E.H; Email i datës 05.05.2023 nga O.D; Email i datës 05.05.2023 nga L.I; Deklaratë e B.M e datës 19.06.2023; Rregullore e (ZKM) Nr. 01/2023; Organogrami i Institucionit.

Kolegji për shqyrtimin dhe vendosjen e ankesave, duke i shqyrtuar shkresat e lëndës ka konstatuar që ankesa e ankuesit, është e palejuar, **SEPSE:**

Kolegji për Shqyrtimin dhe Vendosjen e Ankesave, ka analizuar dispozitat ligjore me rastin e Vendimit me Nr.1041/2023 të datës 08.05.2023 nga Ministria e Punëve të Brendshme për transferimin e znj.L.I në pozitë të drejtorit të IKAP-it, por se kolegji i këshillit nuk u lëshuar në vlerësimin e ligjshmërisë së këtij vendimi nga se nuk ka mundur të vërtetoj me asnjë provë se ankuesit i është cenuar ndonjë e drejtë apo interes i ligjshëm në këtë proces, nga se kjo çështje sa i përket të drejtës në ankesë në rast të cenimit të ndonjë të drejte është e rregulluar në dispozitën e nenit 24 paragrafi 3 të Ligjit Nr. 06/L-114 për Zyrtarët Publikë, ku përcaktohet se: *“3.Nëpunësi civil ka të drejtë të paraqesë ankesë drejtpërdrejt në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil sipas këtij ligji...”*.

Kolegji për Shqyrtimin dhe Vendosjen e Ankesave sa i përket çështjes që është objekt i kësaj ankese ,në kuptim të përcaktimit të së drejtës për të qenë palë në një procedurë administrative i u referua nenit 14 të Ligjit Nr.05/L-031 për Procedurën e Përgjithshme Administrative, i cili përcakton se: *“1. Palë në procedurën administrative mund të jetë çdo person fizik, person juridik apo grup personash me një interes të përbashkët: 1.1. me kërkesë të të cilit organi publik ka filluar procedura administrative; 1.2.*

ndaj të cilit ka filluar procedura administrative apo të cilit rezultati i procedurës administrative mund t'i cenojë të drejtat apo interesat juridike.....". Ndërsa me nenin 124 të Ligjit Nr. 05/L-031 për Procedurën e Përgjithshme Administrative, përcaktohet legjitimimi, shkaqet dhe mjetet juridike administrative, ndërsa paragrafi 1 i këtij neni përcakton që: "1. Pala ka të drejtë të ushtrojë mjetet juridike administrative ndaj çdo veprimi apo mosveprimi administrativ, nëse pretendon se të drejtat apo interesat e saj juridike cenohen nga ky veprim apo mosveprim.....", kështu që Kolegji për Shqyrtimin dhe Vendosjen e Ankesave, ka konstatuar se vendimi i kontestuar me ankesë nuk cenon ndonjë të drejtë apo interes të ligjshëm të ankuesit, për faktin se ankuesi mbanë pozitën që kishte sipas Akt emërimit të datës 30.03.2012 në pozitën Udhëheqës i Ekipit të Trajnimeve në Njësinë e Trajnimeve në Institutin e Kosovës për Administratë Publike, duke pasur parasysh dispozitat ligjore që rregullojnë shërbimin civil përkatësisht Ligjin Nr. 06/L-114 për Zyrtarët Publikë se marrëdhënia e punës krijohet me aktin e nënshkrimit të akt emërimit dhe se çdo cenim i ndonjë të drejte që parashihet në këtë dokument zyrtarë/akt emërim, i jep të drejtë secilit që atakohet në ndonjë formë përmes ndonjë veprimi administrativë që të ndërmerret veprimet përkatësisht të përdorë mjetet juridike për të mbrojtur një të drejtë të caktuar që i garantohet me ligj, ndërsa në rastin konkretë kolegji i këshillit nuk ka hasur në ndonjë veprim që cenon interesin juridik nga marrëdhënia e punës që garantohet në përmbajtjen e ndryshimit dhe plotësimit të Akt emërimit të datës 30.03.2012 në pozitën Udhëheqës i Ekipit të Trajnimeve në Njësinë e Trajnimeve në Institutin e Kosovës për Administratë Publike, e mbi këtë bazë edhe për të qenë palë në këtë procedurë mbi bazën e cenimit të ndonjë interesi të ligjshëm përmes veprimit të organit përkatës që është atakuar përmes kësaj ankesë, andaj kolegji i këshillit konstaton se është obligim ligjor që institucionet shtetërore me rastin e zëvendësuesve për pozitën e lira të respektojnë dispozitat e Ligjit Nr. 06/L-114 për Zyrtarët Publikë nga se çdo shmangie nga këto dispozita dhe legjislacionin tjetër që rregullon këtë çështje mund të rezultojë me pasoja juridike për institucionin përkatës, titullarin e të njëjtit dhe zyrtarët tjerë kompetentë, mbi këto baza ligjore të specifikuar si më lartë ankesa e ankuesit është e palejuar.

Bazuar në at që u tha si më lartë dhe duke iu referuar nenit 129 paragrafit 1 nën paragrafit 1.2 të Ligjit Nr.05/L-031 për Procedurën e Përgjithshme Administrative, nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji për Shqyrtimin dhe Vendosjen e Ankesave, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIKËQYRËSF PËR SHËRBIMIN CIVIL TË KOSOVËS
Lënda, A.nr.833/2023, datë 24/07/2023

Vjollca SINANI

Zyrtare e Lartë për Bashkëpunim Profesional



Vendimi i dërgohet:

- Ankuesit,
- Institutit të Kosovës për Administratë Publike;
- Udhëheqësit të Njesisë së Burimeve Njerëzore në Ministrinë e Punëve të Brendshme;
- Arkivit të KPMSHCK-së.

